



序

同學弟陸嘉泚撰



錢塘陳石耕先生以名德宿儒
讀書篤行終老不遇而後聞
於嗣子曰御史退菴曰絕我貞

倩曰處士脩倩康居先生之
學一本之考亭而私泚於
輟菴敬菴然尤極意於
經世貫串漢唐以來諸
儒之說辨覈其同異得

失著作滿家凡數十萬言而
家進之訓悉歸一指於忠孝
諸子奉其教戒無敢墮失
退菴急步游厲名行引義
慷慨年未強仕而幼誓死殉

生之公即貞倩退而腰鑰倚杖
布袍草屣為芸夫圃人以
考脩倩康辰則更以文章
為一時推重脩倩應同學
友人之招旅次燕臺者二十

年自訟於浩然於右丞門字
之屢丐文之使錯還於進戶津
高祖送哀禁之屏障不得
脩倩此言為索然無色而脩
倩又以剛敵之暇綜核攷訂

上下古今為書數十種甲寅
之春竟易簀於燕邸於是
康為之痛傷王子琳毅排
纂其遺書而先梓其詩
曰敬帝集者二十卷合少司

一卷以行琳毅奉貞倩之命
過屬余為叙友以痛倩之才
以論丰采之下樂得而誦讀
之當世名士大夫宿之痛倩也
而願為之叙者尚不下數十

百家貞情願以屬余何也余嘗
北遊幽青採輯年來遺事
回就俯倩於邱舍見俯倩
晨晞未起則坐空已滿
空醅對晏夕方罷夜則篝

燈著書僮僕悉解去卧榻
側燭光態如禪林佛火漏
下五鼓始就枕曉復對空以
為常頗以埒若規之俯倩
慨然多始願豈以此多之家

數百指待多以其鋪糜不敬
後恤多身名以交于以夜氣
之也多懼其巨也養之以詩
書搯好之以勤苦足下初家
者多兩人孰後孰交相質之

今猶情不卒先予逝雖以
辭貞情孤先疇者猶情之

誦誦乎書曰詩以志多論九
歌之所叙下雲曾子之所吟也
小雅卷伯之篇坊門之百及貧

小則之悔任嗜志也若乃大德
之騷賦始有不敢忘志者喻
之以婢媛之美人頌之以宮寵
之山鬼其為言志已而哀矣且
於詩傳者度言言詞為黼

黻藉名春雪穆以清風讀
其詩強無不以為游光揚聲
成名大人之間而不知其根
抵於石耕先世家學而勞
人為志士之才愈高其名愈

著其心則益益苦并不得
景著唐勒之流同之寄託鳴
嗚此非他人不知貞情所為深
有屬於余而無有以表裸其
裏裏也於記而成之夏退菴

畢命江上西陵烽火白日照
耀甲騎充斥盜賊聞至
倩獨身棲其窟日竟獲
櫬出隱以歸其在漁陽宮
以困厄出傾素應之或遇其所

望夫古詩人其志潔其行
芳源極於忠孝而博推
為汎愛乃惻隱之威教讀
脩情之詩者曰余言而進
求其志誠有外極其象而內

極其意者斯可以序脩情
詩矣若其作詩指大概見
於詩選例及詩家直說辨兩
書其瑰麗馳騁擷齋梁
藻而放而合三唐凡夏

循倩之詩者皆能言之固云
藉于予說也

稽留山人集目錄

第一卷

做帚集

詩一百十二首

北征雜詩十首

贈朱遂初都諫

投贈李庚生大

司馬

宋其武太史寓齋燕又仲舒顯亭同集偶作

贈馬覲揚太史

張華故宅

重九後一日顯亭

招同人小集和柴虎臣作六韻

詠古八首

金魚

池上偶成

送伯後歸里寄懷子問兼訊天儀嚮先

左名淇上嘉客諸子

張坦公方伯邸舍招集同人

卽席賦十二韻

投贈霍魯齋少司馬

贈張譙明

給諫

燕山雜興八首

接家書知舍弟康侯舉子

喜而有賦時康侯舅張曼石在座 送曼石之廣陵

上元前一夕王敬哉先生招同子俶亞斗予敬青

瑯繡虎宮聲諸子卽席有賦二首 上元燈詞五首

席上同顥亭季蔚賦兼呈及超克繩韓倬又弓玉

書畱僊諸太史 新正燕邸雜詩四首卽簡生一樞

臣履吉祖錫鯤颺諸子 送張宗緒表兄之江南

寄家兄貞倩弟康侯兼詢大姪伯長七首 周茂三

手札枉存却寄 施尙白比部招同官錦帆崙木長

真飛濤暨虎臣六益二處士小集有作 送劔威之

楚州 慈仁寺海棠下固庵招同岱觀方漣鼻盟右

舟翼蒼顥亭雅集漫賦 燕中見李中悅有贈 擬

古詩十九首 後擬古詩十九首 丙申初度臥病

有感 丁飛濤比部改官客曹有贈 天祓弟自比

部調祠部賦贈 寄訊家貞倩二兄二首 送岱觀

赴清溪廣文長歌 送李山顏還西浙 壽嚴太君

梅母輓詩 訓劉石生兼送其遊山左

稽留山人集第一卷

乙未
丙申

詩三十九首
詩七十三首

武水陳祚明肩倩甫著

北征雜詩十首

慘淡因人出炎天事遠征風塵前路重舟楫內江輕漠漠
鄉山失盈盈海月生榜人喧夜泊燈火闔廬城

其二

漲水扁舟疾推篷柳岸齊市橋迎吠犬夔井駐鳴鷄帆影
依青嶂人烟傍碧溪之都重回首家在五湖西

其三

百年多攘攘跋涉意何如京口歸潮大丹陽落日孤漕舟

千舸擁過聞萬人呼泛水輕帆影蕭蕭短髮疎

其四

秦郵湖曲路夜半獨行舟月出光于水蟲鳴響似秋荻蘆
明遠岸城郭漾中流更照篷窓裏輝輝映白頭

其五

百丈牽風緩迴潮赴閘輕宿雲多寶塔細雨廣陵城濁酒
貧交態高官故友情不須矜脫粟吾已厭逢迎

其六

不識清河口金龍烈士祠驚濤吞日月崩岸走蛟螭金碧
前朝殿莓苔萬古碑生存慙拜手破浪石尤遲

其七

梁王城北道八閘鎖南河水納汶沂小山連鳧嶧多空村
驚盜賊古壁斷笙歌野宿非干主棲棲意若何

其八

地脊憑南北中流一道分帆檣謹客子鐘鼓報龍君日沒
鄒滕野天寒岱嶽雲歸舟沿下水從此息勞筋

其九

聞說清淵郭繁華不可求歌鐘連市陌羅綺積山丘稍稍
人烟集荒荒戰伐愁維舟耆舊少風土問齊謳

其十

帆轉天津口清流界濁流魚鹽來海上舟楫聚城頭萬里
人爲市重關鐵作樓依然扼形勝風景不勝愁

贈朱遂初都諫

文物當年全盛日光熹之際英人出元禮林宗相後先仲
舒經術相如筆是時處士非虛聲必有奇才名始成詞賦
自堪懸日月布衣或者驕公卿風流宕往人事變標榜卽
復滋紛爭學語小兒矜姓字多錢估客工逢迎滄江大河
流日夜老成落落皆凋謝漢庭尚有典型留鉅野巋然見
嵩華丹鷄白犬相携將四海亦識家元方十年失足懷沙
怨悠悠風雨悲瀟湘空餘小弟臥蓬蒿舊日少年今老蒼

顧厨俊及時輩衆森森槐柳羅成行誰憐乞食來京邸仍
嘗越國諸生醴潦倒曾無馮客家滑稽不索東方米聲名
孺子本南州漫沒懷中刺可投長仰岩岩萬仞壁更挹汪
汪千頃流忘年老友張元在懷舊胸中多塊壘結交喜得
丹心存感物嗔隨霜鬢改居恒屈指思故人豫章諸賢情
性真青芹紫葵出供客栗里柴桑忘主賓只今海內誰同
調每說明公開口笑出門北向長安塵恨無檣上追風驃
祚也奔走衝泥塗曳裾却望公門趨短衣至骭寒踟躕負
墻落日胡爲乎願分末廣陳區區天下誰人識龍劔握中
敢說有靈珠

投贈李庚處大司馬

燕臺日落秋風生馬蹄蹴踏塵滿城衝塵却向龍門立御
李應慙顧俊名古人落落交有道瀟灑生平見懷抱布衣
長揖王公前貴賤何妨一相好但異悠悠流俗心豈必遇
合稱知音儘翻鷓鴣向雲路亦縱麋鹿歸長林昔年拔雋
西子湖鳳城載筆來羣儒公門烈炬皎白日案前一聞
名趨是時散髮忘朝夕柳下梅邊臥狼藉虛勞名姓再三
呼丹筆批除學宮籍諸生求隱亦辛勤乞休請告詞紛紛
掉頭歸去竟不顧誅求或恐多深文那知豁達大人意肯
使空山翳叢桂卽臥堂前蓬藿高容棲谷口烟霞麗著書

獨閉子雲門長往亦蒙知己恩定識疎慵儕木石倘求剪
拂解騰騫十年荷篠田間晚八口誰知闕餐飯從來有待
信爲煩忽漫行遊故山遠玉河柳碧水粼粼白日照見丹
車輪長安舊交裘馬色肯念成都賣卜人風塵側足慙高
寄通謁翻投禰生刺承恩自昔是還山若問西山正蒼翠
宋其武太史寓齋燕又仲舒顥亭同集偶作

高柳涼蟬白月新川原倚檻集羣賓青山不厭忘京闕華
髮相逢總故人羈客易成王粲賦侍臣誰似馬卿貧鱖魚
泉酒能留醉可憶當年挂葛巾

贈馬覲揚太史

仙班視草漢明光華省梧桐隱鳳凰上直揮毫依禁院歸
朝鳴佩散宮牆長瞻彩仗迎風轉親捧金華賜露嘗正是
御溝秋色迴珂鞍玉勒映新霜

張華故宅

落日俯秋原徘徊弔疇昔衰柳映蘆溝云是張華宅一自
龍歸黯暮星空留狐語驕行客蘆溝橋下水粼粼蘆溝橋
上生黃塵士衡入洛誰相識不見當年博物人

重九後一日顥亭招同人小集和柴虎臣作六韻

旅客殊方集佳辰昨日過文成落帽後人喜盍簪多坐久
生明月庭虛耿玉河茱萸須更折芍藥是新和重把黃花

酒先成白雪歌飄零欣聚會休憶故山阿

詠古八首

礪石當年桂館開逢時真美樂君才霸圖已遠空流水陳
迹人疑指廢臺宮闕虛鄰方丈水魚龍實有漢池灰爭傳
秘殿來王母爲問昭王安在哉

黃金臺

千年易水暮猶寒風渚流沙瀉急湍豈有孤忠如鞠武不
知何日報燕丹昔人一去爲黃土弔客重過憶白冠聞說
羽聲多忼慨從來此曲和歌難

易水

朔雲古廟枕荒原先主生年舊有村羽葆曾畱岡上樹旌
旗空返月邊魂崎嶇蜀道三分國涕淚中原大漢恩獨鹿

山前芳草色秋風杜宇泣黃昏

樓桑村

巨馬河濱訪酈亭白沙黃荻暮冥冥空青不改惟山色
慘淡如聞注水經夜月衰蘆栖旅鴈秋霜落葉聚流螢
當年人物誰千古名位無勞重魏庭

酈亭

房山石室薜蘿交灌木悲吟接鳥巢寂寞生前誰載酒
蕭條谷口問誅茅繙經悔失三車偈著論真同五石匏
落魄愛尋方外約無心爲解子雲嘲

賈島峪

龍旗七萃羽林閒大將長城飲馬還飛騎熊羆屯上谷
眞王帶礪啟中山誰標銅柱青冥外長聳雲臺紫極間
聞道大風思猛士撫髀萬里惜朝班

中山將臺

夾道青峯似畫中先朝列帝敞行宮鶯花仍度三春日
松栢長吹萬壑風錦石親承鑿輅轉元猿猶記翠華東
小軒御榜畱宸翰行客徒悲古木空

香山

千溪赴壑碧流清青甸因高少海名自有鮫宮凌岸出
曾牽龍舸信風行波含蓮勺成秋色雲去蘭臺作雨聲
上已先朝容祓禊曲江花柳聚簪纓

海淀

金魚池上偶成

郊林乍澄爽素商披我襟循坂憇喬木攬衣散曾陰
平沙旣透迤蒼然見西岑復此池上樂坐獲濠梁心
陂塘相灌注密藻翳浮沉錦鱗耀日華朱鬣披丹金
羣泳同所適獨

逝冥幽尋有多狎衆翫雖伏乖潛深何當縱逸性掉尾百川溥

送伯後歸里寄懷子問兼訊天儀嚮先左名淇上嘉
客諸子

仲容歸去竹林秋青眼還陪大阮遊堂有尊親忘漢魏門
多賓客是羊求詩才刻燭誰爭長酒債過壚可共酬爲道
依劉千里客疎慵不擬賦登樓

張坦公方伯邸舍招集同人卽席賦十二韻

正會輪裳合元公燕喜私佳辰鄰曲水勝地似南皮揖客
聯珠履開樽啟絳帷應劉班後乘枚馬托新知行炙圓方
簇傳杯監史遲興闌膏燭短坐密羽觴移細雨侵庭潤輕
風入幕吹酒方河朔飲人是永和遺貧豈夷門傲歌同燕
市悲敝裘韋帶緩長鋏蒯緱垂管輅三升後孫陽一顧時
暫陪賓從未多媿穆如詩

投贈霍魯齋少司馬

漢廷司馬藉賢勞魁象遙分北斗高已是車書成混一肯
令臣妾有逋逃曾持銅虎張綱節自佩蒼龍王覽刀舊愛
鄒枚詞賦客屬車門下總吾曹

贈張譙明給諫

退食從容出省垣禁臣補闕正承恩桃花僊令初行縣桂

樹幽人亦在門諫草但畱三史秘圖書只有五車存新傳
健筆凌雲賦臨晚鄒枚擅兔園

燕山雜興八首

天作皇州北極開嗟峨雙闕俯燕臺青山故抱金城出玉
澗仍從碧殿迴九陌頻看驅馬度千官親捧射熊來不殊
桂館朝正日盡有甘泉獻賦才

其二

冀州禹甸帝京雄三面河流萬國通自掃上都畱亳社旋
營洛邑像新豐烽煙一起明庭廢土木重看鳳闕工僊掌
正宜承灑露金人不事泣秋風

其三

白馬黃巾犯帝居長安城闕莽丘墟風吹荆棘銅駝陌雨
澁莓苔石鼓書海淀芙蓉池閣廢香山松楸寺門疎詞臣
前代經行樂彤管畱題侍從餘

其四

漢家宮闕鬱相望省署迢遙繞建章三殿旌旗松靄靄千
門劔佩柳蒼蒼爐煙細轉青雲合榜字高懸白日光秋色
回中接南苑更衣亦在舊長楊

其五

西望青山積翠凝松楸黯黯漢諸陵太平盡識垂衣久失

勢誰悲帶劔升壞道悲風嘶石馬荒岑涼月閃金鐙下津
想像明禋日鳧鴈秋多碧海澄

其六

倉卒弓髯不可攀馮湖龍去豈重還我來城郭非當日尚
有衣冠葬此間列祖金輿同闕寢侍臣碧血濺朝班仍聞
守冢畱宮監隧道深霜落木殷

其七

銀漢疎星隱鳳城市門屠狗愛荆卿樽前月傍千峯上劔
裏霜從五夜生曲院吹簫橫碧玉狹邪走馬散朱纓繁華
李趙經過少日暮惟聞擊筑聲

其八

金臺豈羨霸王師本戀名山采石芝高閣麒麟容自畫草
堂猿鶴莫相疑荆門望遠家難到楚客當杯賦不遲繚繞
川原愁極目登臨獨有故宮詩

接家書知舍弟康侯舉子喜而有賦時康侯舅張昇
石在座

卽知宜抱子書到果添丁荆樹遙分色棠枝小更青有人
歡自出似父解寧馨爾伯三千里啼聲幾日聽

送昇石之廣陵

爾自廣陵來還向廣陵去低迷何所爲漂泊不知處饑難

供爾食寒難製爾衣但知意厚薄不解情是非悠悠管鮑
交古道委黃土白蜜栢子丸外甘裏懷苦我住歸無時君
行歸不得生作汗湯遊寸心人不識三金買舟船二金買
白飯啗飯臥舟底廣陵在天畔若見故人面不知故人心
故人但相憶豈愛雙南金南行荆棘多北行塵沙暗蒙袂
衝塵沙顧我慰孤散來亦復苦愁去亦復苦愁行行重相
見延年壽千秋

丙申上元前一夕王敬哉先生招同子俶亞斗予敬
青瑀繡虎宮聲諸子卽席有賦二首

密勿綸扉地風華謝傅饒愛招寒士飲正近上元宵火樹

明燈合梅花玉笛飄春風杯酒換歸耐馬蹄遙

其二

入座皆名士傾樽一酒人飯將燈比客貧獨劔隨身畫障
依華燭歌童啟絳唇醉餘時捫蝨未薄偃經綸

上元燈詞五首

翠甸珠靨競新妝社鼓燈毬月似霜聞說鰲山銜火樹宮
中依舊舞霓裳

其二

正陽門外玉河橋角觚魚龍樂事饒羯鼓催爲鸚鵡舞琵琶
細逐鳳凰簫

其三

禁城魚鑰鎖重阿皓月明燈映碧波聞說前朝歌舞地五
侯車騎翠樓多

其四

楚語吳歌朱邸長六街燈火夜蒼蒼相逢半是他鄉客若
箇猶能憶故鄉

其五

明月西斜燭影稀狹邪人散洞簫微玉京僊子乘雲下霜
色橫空濕羽衣

席上同顛亭季蔚賦兼呈及超克繩韓倬又弓玉書

留僊諸太史

燕市華燈羯鼓催翩翩裘馬鳳城迴彤墀並給甘泉札朱
邸仍銜金谷杯雪滿朝衣穿苑柳月明羌笛落江梅座中
最有潘懷縣潦倒誰堪百里才

諸子

新正燕邸雜詩四首卽簡生一樞臣履吉祖錫鯤颺
獻歲春風邸第偏歲朝人日紀新年樽前宜有燈華滿門
外何多羯鼓傳萬里不知身在客百壺儘醉酒如泉因將
潦倒輸朋友歸夢虛傳五夜懸

其二

燕中羈旅儘吾徒，殢酒看山興不孤。
客裏憑教千日醉，人生那得一愁無。
自扶羸馬過雙闌，不分扁舟汎五湖。
早晚聽鶯依苑柳，出門春色滿平蕪。

其三

酒徒相過意飛揚，趙女傳杯喚客嘗。
失路自憐明月夜，逢人卽是白雲鄉。
燕歌細細聊娛耳，春日遲遲總斷腸。
書與老妻成一笑，十年几案有糟糠。

其四

何事牀頭百萬錢，燈前五木早春天。
囊空未遣元規贖，聲厲虛勞劉毅傳。
我自清狂多暇日，誰看白眼送長年。
小梅細柳偷春度，萬里冰開不上船。

送張宗緒表兄之江南

鳳城流水狹邪路，君家王謝朱門住。
七葉簪纓天上人，十圍杞梓階前樹。
烽塵一起事全非，剩有諸生盡褐衣。
故居一旦屯戎馬，謀食空勞採蕨薇。
隱淪世賤身須逢，猶說封胡與羯末。
惟爾飄零不易心，霜松絕壑焉能活。
三年煑藥送雙親，鵠立宵燈涕淚身。
諸弟但爲千里客，封心豈救暫時人。
更值簿書求季布，可憐骨肉應相顧。
東頭李樹代桃僵，家破尚愁官長怒。
艱難畱得一身強，妻子啼號白日長。
已甘餓死填溝壑，更爲饑驅走路傍。
相逢燕市同揮淚，夜

燭銜杯宵共被我亦萍遊托友朋對君且復輸心事君才
未讓李青蓮斗酒能成一百篇肯將詞賦令人薦此日文
章不值錢座中兒子能擊筑每有悲歌續痛哭金樽翠袖
且流連莫在他鄉怨窮鞦韆翩翩書記下江南建業城邊水
亦甘主人自合蒼龍氣上客偏雄白馬譚吾家老父師君
祖入室何殊參也魯君更庭前却受經子思傳禮親曾覩
兩家孔李義殷勤忠孝風流天下聞豈惜長貧厭藜藿直
將富貴等浮雲玉河送別攀楊柳上馬將離還握手暫時
作客解相憐歸耕他日還同耦

寄家兄貞倩弟康侯兼詢大姪伯長七首

河上高樓擁白雲人煙隔水柳條分銷魂別路西橋北明
月秋空落鴈羣

其二

多病休文喜著書藥牀茶竈米鹽疎漫勞校計秋瓜熟菊
老葵荒自把耒

其三

嬾慢中閨阮籍妻肯同娣姒理鹽虀可知小弟畱燕市日
日清齋醉似泥

其四

池塘芳草碧芊芊得句時時夢惠連假館高齋春晝永幾

時還獻遇風篇

其五

連理同株不可離三春多負白雲期燕山亦有靡蕪草漫說將歸已故遲

其六

幾日扁舟汗漫歸漸多兒女解牽衣秋風已失鱸魚美社日虛勞燕子飛

其七

江上湘靈不可招孤兒濺淚立清宵十年裋褐寒如此著論誰爲劉孝標

周茂三手札枉存却寄

我住薊門畱君行太行去當君別我時十步三迴顧太行山入雲落日橐駝羣情知非故國惟有塞笳聞三月來書札殷勤悲問濶月照白屋梁涼風起天末晉陽上已雪柳樹寒巘岼都城十里外索得杏花看江南春色饒繞樹啼百舌草花非一香棠梨白于雪流光做客衣兩地不知歸但有書來往如何心渴饑蘋葉語楊花漂零成間阻煎糜著黃蘗得食使心苦

施尚白比部招同官錦帆崙木長真飛濤暨虎臣六益二處士小集有作

宛陵才子倦遊身，索米長安不厭貧。
屋宇無多居郡邸，賓朋長日聚車輪。
銜杯河朔涼風入，拄笏西山爽氣新。
正值都官聯大雅，布衣得似謝山人。

送劔威之楚州

翩翩大雅出淮陽，白馬雄譚入座長。
結襪久忘廷尉貴，披裘誰似客星狂。
漫勞楚地思公子，纔過滄江卽故鄉。
燕市三春同貰酒，悲歌擊筑可能忘。

慈仁寺海棠下固菴招同岱觀方漣鳧盟右舟翼蒼

顥亭雅集湯賦

幽州白日淡，首夏春寂漠。
古寺敞虛庭，名花聊綽綽。

挺翠榦密跗，展朱萼紛幡。
麗日靚蕭瑟，因風落條扶。
天桃疎叢倚，丁香錯招遊。
藉高朋杯酒，恣歡謔步檐。
息前除，凌空矚飛閣。
蒼然來山雲，菲爾翻紅藥。
傳觴延景光，懷古尋卓犖。
旣冥濠濮想，復踐竹林樂。
偶會成忘形，賦詩徵盍各。
轡文羨龍變，薄遊航爵躍。
伸眉感俯仰，縱心逐寥廓。
節候戀芳華，羈鞅悼棲托。
驅驢踐荒塗，瀏蒞松風作。

燕中見李中悅有贈

思君十二年，記憶江南別。
燕市乍相逢，愁從亂離說。
干戈樹營門，盾墨漬堅鐵。
悍帥擁大旗，書生慟旌節。
降旛亂淮淝，白馬飲建業。
悲涼庾信賦，慘淡嵇紹血。
懷沙魂已謝，乞

食謀屢拙感徃衷煩紆趨時日寥泐百年身鬲鬲撫故多
所缺碧酒弄青樽高歌肺肝熱陶陶孟夏初狹邪闕深轍

擬古詩十九首 有序

丙申中夏祚明棄家遠遊暮已久矣端憂遘疾衷
情無聊試取古詩十九首讀之悲不能自止古今
人不相遠獨以其情耳自士衡文通之流效而為
之莫臻其妙夫情有所止而故作之非其至也乃
舍毫伸紙竟一日得詩如其數此陳子古
詩非十九首也嗟夫十九首不可及矣

行行重行行脂車不遑安豈無平生親道遠會面難大義
臨當乖迢迢隔山川思君萬餘里惜哉無羽翰啼猿知慕
類別鳥知離分神容顏口就老盛年不來還君歸倘無時
誰能駐朱顏保己托松栢為君踰歲寒

其二

青青河畔草灼灼園中花娥娥青樓女盈盈初破瓜朱簾
蔽深牖曲箔更交加菟絲倚松栢纏綿保榮華菟絲生有
枝女子各有家夫婿行不歸棄置天一涯空廬托邪徑室
邇心何遐

其三

青青陵上柏瀾瀾澗中水志士惜盛年慷慨不可止為樂
當及時請從心所喜立身各有道亮懷固終始驅車上東
門遙望洛陽城宮殿何鬱盤虎觀通承明狹邪走冠蓋夾
巷羅公卿日夕良宴會伐鼓聞吹笙富貴有餘歡貧賤為

人輕繁華易志意戚戚悲平生

其四

今日良宴會四座請勿誼楚歌揚曼聲起舞何翩躚引商
刻流徵鼓瑟無濁絃但聞音響哀含情爲誰宣貧賤多苦
辛失職悲芳年壽命豈金石光景逝不延榮華貴及時仕
宦古所賢

其五

西北有高樓崔嵬俯雲烟翼瓦麗飛蕈疏窗綴連錢樓中
何所有好女鳴朱絃一彈再三嘆悲風鳴樹間物感不可
平哀樂隨情遷誰能奏此曲似是秋胡妻叶音聲各有道

但爲悅者妍願作雙翠鳥振翼南山巔

其六

涉江采芙蓉翠房吐蓮勺欲以遺所思道遠莫我卽他鄉
不可居故鄉不可憶相思摧肺肝安得好顏色

其七

明月皎夜光白露零草木河漢爛以明玄冥宿東屋候蟲
發秋響夜永晝苦促寒蟬靜無聲晶晶金氣肅結托同方
友乘時策高足軒車來遲遲去我若轉燭實沉間大火升
降不相逐天分有定端浮名詎能屬

其八

冉冉孤生竹乃在漢川陰結根黃泉下托體何其深投分
爲新婚理瑟和鳴琴琴瑟諧汝聲夫婦同汝心別離各異
路遙遙隔江潯五芝華燁燁生我嘉樹林榮落在一朝委
棄荒山岑容華不自保常恐霜雪侵君情與妾意兩好誰
能任

其九

庭中有奇樹猗儺枝葉長春葩逮陽和當風吐芳香願充
君子佩宛轉隨衣裳君子行不歸賤妾守空房草木榮有
時承恩要不忘物理無貴賤棄捐多悲傷

其十

迢迢牽牛星皎皎漢濱女耿耿元夜長宛宛璇宮處唧唧
弄機杼嘹嘹理砧杵浩浩河水深悠悠隔洲渚相望不相
親佇立涕如雨冉冉更歲年歷歷成間阻君心良未知守
身在所許

其十一

迴車駕言邁念當還故鄉薰風變草木葵藿森已長代謝
無久居華葉有焜黃來者日以殊故物多老蒼人生貴立
德君子崇令名物化不我畱頰仰懷惻傷

其十二

東城高且長雉堞延廣路下有獨流泉風吹綠楊樹木葉

何飄颻唵噬迫日暮秋蛩多苦音寒蟬嘒零露放意聊娛
樂懷新莫念故北方有佳人容顏美無度螭首耀珠璫織
腰工緩步素手彈鳴箏一曲三迴顧駐馬遺玉鞭含情不
敢訴飛燕雙翔栖綢繆各有素

其十三

驅馬上東門鬱鬱多荒阡新墳植松柏舊墳犁爲田生爲
王與侯白骨不自言旣寐永無覺莫保千百年春秋代新
故大化多推遷榮名竟安在命無金石堅空山廓獨處誰
能得神僊斗酒暫娛樂逢節何其賢

其十四

去者日以疎來者難久親生死送山丘纍纍竟何人豐碑
徒崔嵬其下生荆榛快意當及時白日無停輪客子長不
歸淹畱越三春

其十五

生年不滿百何當念來茲老至潛悲傷少壯能幾時失路
居賤貧歲月空驅馳盛年不可再白髮被面垂多營昧行
樂奄忽歸山丘焉得從僮僮餐松保遐期

其十六

凜凜歲云暮鳥雀歸巢栖川塗積霜雪遠遊獨何之雙珠
玳瑁簪是君手所貽膏沐爲君容契濶棄不施疇昔陪燕

笑形影常相隨別離經十春會合知無時夢想倘來還慰
我中渴饑慙無好房闔留君暫徘徊君寧喜行役不一顧
恩私霧露被山陵人馬同聲悲追從無羽翼涕淚交雙頤
其十七

孟冬寒氣至庭樹棲嚴霜景短愁苦多佇立以徬徨頽曦
翳桑柘爛然見長庚客從遠方來念當見故夫長跪再拜
客故夫今何如峒峒山川寒欲歸家無車情知會面難一
心抱區區

其十八

客從遠方來隴頭千萬里張掖近西羌倘一見遊子道路
險且長迢迢行未已音書不可寄歲月逝如水遊子別我
時贈我一端綺裁縫成衣裳合歡繡連理綰絲不斷緒著
綿長附裏二水瀉瓶中誰能強分此

其十九

明月何皎皎徘徊入房櫳匡牀施羅幃光輝自相通客子
行未歸飄飄逐枯蓬早行常苦霜暮行常苦風風霜疲轍
迹臥起不相同一夕腸九迴思君無終窮雙翔復雙息仰
見南飛鴻

後擬古詩十九首 有序

世徒知漢魏古詩不知其體有二其淡而永雋而
多思言有盡而意無窮者古詩也纏綿太息低昂
傲帝集 卷一 二十

以盡情曲折以盡變者樂府也蓋漢之樂府沿襲
楚風蘇李五言沂源三百其所由來尚矣魏晉以
後古詩之法不傳自嗣宗太冲之流激昂爽窮
態極妍淩淫至于少陵率以樂府為古詩聲繁而
調雜兩京之風蕩如矣數百年來惟淵明差為近
古惜其體弱不足以起其文康樂雖復蘊藉自矜
而漸趨排偶又其別派不更孔公誰知風雅者予
既倣古詩十九首稍倣其意情不能自己更以樂
府之體廣之夫變風變雅之君子非不能為平中
之音其所激者然也攬是詩者知其人論其世哉

仗劔出西門遠遊不顧歸車馬何草草賤妾安能隨草行
犯霜露水行越風波叶涕下如綆麻道遠常渴饑大野四
無人樹木風聲悲侵星早于役日曷不遑飯衣敝誰當補
裳垢誰當澣君行良苦心賤妾中腸斷杳杳音信稀徘徊
歲將宴

其二

洛陽春載華桃李舒芬芳風吹綠楊樹長條自飄颺花花
正相對葉葉各相當朱樓臨廣陌丹碧耀輝煌樓中有好
女端潔儷姬姜清揚美流盼鬢髮爛生光動步姍以遲宛
若空中翔昔為閨中女今為蕩子婦蕩子行不歸重關下
虛牖東鄰吹玉笙西鄰作金奏綺席撰良辰宛轉諧婚媾
黃金綴明璫文錦裝舞袖賓客何喧填主稱千秋壽榮華
豈不懷寂寞尋所守

其三

崔嵬南山高上有千載松樹木年壽固肢體摩蒼穹人生

忽如寄君子崇令終百年何持持坎壈懷固窮執節亮獨
難逢時易爲工長安有狹邪甲第鬱相錯檠戟樹西廂朱
邸開東閣殷殷何闐闐鳴鐘奏倡樂丞相過徹侯車騎相
諏度寶馬千金裘朱輪飾丹腹傳呼出閭門勢厚良不薄
誰使懷區區灌園守窮壑

其四

置酒高堂上命我彈秦箏急絃無緩調促節多哀聲四座
各言好無人知我情微生寄天地渺若浮萍輕多難煎衷
腸饑寒迫相嬰益無斗米儲旅穀生中庭接禾不盈把採
蕨爲我羹乍可自得飽不堪貽弟兄弱冠觀羣書磊砢爲
人英乘時各有道失職心難平

其五

挾瑟邯鄲女高樓彈清商朱絃二十五柱柱各相當繁聲
赴促節調苦情不揚哀來有餘清夜久天雨霜迴手變羽
音楚楚多激昂忼慨填胸臆凜烈杼剛腸慘澹四無人城
郭鬱以蒼烈風振林壑猿狖嘯我傍慚無桑間曲娛悅君
子堂倚瑟掩羅巾涕下霑衣裳

其六

禽鳥戀故巢樹木懷本根遠遊行不歸舒卷若秋雲登高
望我里道遠勞心魂羣山莽迴互百川自東奔日月出其

裏河漢經其間美人宛獨宿倏忽四五春螭首顰蛾眉蘭
氣吹朱唇金環約皓腕自結紅羅裙托身既有定棄置何
足論採藥愛當歸將以遺所親淹留失本性氣結不能言
其七
管鮑不可作古道逝已亡海鳥依澤雉偶聚安能長去住
各有心乘風自飛翔亂離淹行跡結托要偕臧食薇共言
飽執熱齊願涼玉衡一以移忽若參與商雲衢日勝貴食
客何趨踰黃金爲君門白玉爲君堂堂上列音樂作使邯
鄲倡顧視貧賤交恩情脫如忘寧就燕雀栖不從黃鵠食
黃鵠遊四海中道安得息

其八

婚姻屬肌裏嫁娶輕錢刀與君爲燕婉大義安所逃下視
海水深上指蒼天高關山遠于役君行何其勞隴山大如
砥河廣不容舠莫往還莫來歲月忽已滔玉階漫行跡邪
徑生野蒿秦箏爲誰理寶瑟棄不操東園亦有柳西園亦
有桃花花對葉葉灼灼復天天春榮在其時委棄隨所遭

其九

庭中何所有種竹青琅玕枝葉何鬱鬱終古踰歲寒綠葉
當春抽翠色若可餐纍纍自作實芬芳若芝蘭採置懷袖
裏將以遺所歡君行陟崑丘稅駕西陵阿夜飲溼露漿朝

食玉山禾丹砂好顏色顧盼光輝多情知此物薄欲寄還
蹉跎承恩不在大亮妾誠匪他

其十

昭昭白日光可望不可卽相思未敢言懼君不察識盈盈
紅粉妝皎皎當軒織理絲掛殘機零亂不成匹素綺日一
丈湘綺斷八尺雜彩繡鴛鴦毛羽成五色持綺紉作衣承
恩在胸臆持綺紉作被奉君燕與息是妾手所治語君勿
棄擲不念文采多當思機杼力

其十一

四時遞代禪大化逝不留人生天地間驟若赴壑舟涉喬

固懷榮履霜知憫秋際會有肅殺懣悽增百憂摧墮無家
室一身不自謀一身不自謀賢達當柰何多營困衣食雙
鬢颯已皤精爍無更生來日苦不多何當有上藥練此朱
顏醜僊人王子喬千齡保巖阿昔存今已亡壽亦同流波
言念崇明德金石庶不磨時節違寸心年徃悲蹉跎邪徑
無坦步傾軻失令儀立行在乘時殆庶休天和

其十二

寒燠無定端遷流更日月春華非不榮秋至苦凋歇人情
知懷新詎念菁華竭結髮爲夫婦皎若東生曦綢繆托情
愴歎歎刻密期容華有膏澤流盼生光輝并并年齒長顏

色日就衰燕趙有佳人游冶好容姿三五方盈盈膚體如
削脂齊紈爲下襦蜀錦爲上衣羅巾拖翠袖風起吹參差
調笑妖且閒薄言同燕私信美非吾偶一心終不移

其十三

步出洛陽城遙望北邙山山下何纍纍王侯多墓田風吹
白楊樹落日狐兔眠生年矜盛勢一一好朱顏前堂施棨
戟後房列管絃妻妾競言美賓客同聲賢精爽一朝謝杏
杏歸黃泉巾裘委箱篋華屋空浮烟僊人浮丘公奉我藥
一丸服藥練金骨駐世千百年興衰感物化閱世多苦辛
叶壽永憂亦長誰能爲神僊衣當被紈素食當饜肥甘守
己無所營委化陶自然

其十四

驅車駕言邁涉此萬里道丈夫志四方安能故鄉老燕山
白日暮平野漫漫浩浩郊原多丘墳秋風吹百草彭殤同所
歸精散骨枯槁逢時貴盛年何用開懷抱飲酒烹羊履
絲曳輕縞所奉在一身百世誰能保客子愁苦多還歸胡
不蚤

其十五

菟絲附蕭艾秋至奄離披貧賤傷人心焉能保期頤二十
元鬢改三十朱顏衰往日亦已促來日安可知飲酒近婦

人歡樂貴及時感感多所迫營食不知疲晝從蓼下行暮
托藥上棲嗷嗷念家室將爲達者譏安得安期生要我之
蓬萊

其十六

來日日苦遲去日日苦速良人遠行遊十見芳草綠自惜
衣袂穿念君無春服驚濤阻大江白日沉平陸猥狃歸蒼
山烏鳥萃林木物性戀巢栖胡爲久行役夙昔夢見君依
依訴窮鞫一言未及終去去隨轉燭念當棄薄軀魂魄尚
相逐天高多烈風霜露被陵谷却立掩空閨沉吟嘆幽獨

其十七

疇昔君贈妾素絲連理帶結束腰肢間緩急心自解衣綻
猶可補帶斷不可連紉以結不解縈紹何纏綿同心一以
固豈惟金石堅深谷化爲陵洪都漸爲川石泐海水枯此
志良不遷

其十八

疇昔君贈妾雙珠玳瑁簪結髮冠步搖翡翠飾球琳別離
雖異路貴之若南金戴君綢繆意不異奉輝音愛而不得
見離思誰能任鬢髮如飛蓬疾日以深倉庚逮春化蟋
蟀俟秋吟榮華在逢時何爲勞寸心楚楚不隻行周周無
子羽兩好情故長何當廓獨處

其十九

五日織一縑三日織一素皎皎明月光當軒照機杼蘭膏
滅餘燼匡牀悲獨寤出門望遠人羅襪泫零露河漢爛以
明仰視雙星度入門還上樓下見狹邪路白馬從南來恐
非平生故二五生桂華三五育蟾兔自昔還至明朝朝與
暮暮朝見啟明出暮見長庚低明明托白日來往無東西
丙申初度臥病有感

固窮愠時命瑣尾經歲年逾壯攬素髮淹客成華顛鄉園
滯飛魂榮名托浮煙孔懷渺河漢錮疾耽林泉藥竈營旅
廬丹鼎思神僊桐子委紅瓊葠苗裹黃鮮賓朋慰離索令
主供豆筵奇葩吐明燭膾炙行方圓依劉感聊厚攀呂終
獨便沉憂豈難老積景悲流遷

丁飛濤比部改官客曹有贈

金馬才名比部高調官正似孔儀曹曲臺自可箋三禮郎
署何嗟欲二毛爽氣青山來拄笏新詩白雪更揮毫昭容
冊立多文物漢關看君扈從勞

天祓弟自比部調祠部賦贈

自爾爲郎領簿書明燈丹筆對欵欵持平肯觸官僚忌入
世何辭禮法疎粉署新遷無吏事祠官獨誦愛閒居長齋
正預明禋賜曳珮從容侍玉除

寄訊家貞倩二兄二首

亦知貧作病不食欲經旬酒闌牆頭過花滋屋角春飄零
稀負米委頓患樵薪踏雪悲東郭長安獨飽身

其二

聞說中閨拙因知事嫂疎彌縫終賴長諄復未嫌余燈暗
椎心淚風歸嚙指書下牀圍革帶再拜問興居

送岱觀赴清溪廣文長歌

同居鳳山里巷南與巷北三春幾得持酒樽十日或一望
顏色悃欵已自盟心期疎慵不肯輕足力徒緣乞食走燕
山帶索披裘岐路間相依密友金閨客翻愛荊卿數徃還

孝廉捨船入邸舍炎天小屋同銷夏雄譚日日抵掌鳴痛
飲宵宵看花罷玉河新柳過酒壚慈仁老松貌圖畫交遊
滿目朝貴多狹邪乞得駿馬馱出門謁客入門臥忘形爾
汝人非他片檄催將雪溪去登車忍別庭前樹如此歡娛
不可忘他時落月應相顧我夢西湖未擬歸黃塵日日染
緇衣却來上苑花明候還看春風玉勒飛

送李山顏還西浙

韋子已從淮海去掉頭君復賦歸歟多憐久客惟畱我誰
有新詩更起予鴛水秋蘋翻淡蕩大山叢桂未蕭疎角巾
漉酒孤松下倘念萍游枉素書

壽嚴太君

賓客何喧闐車馬各在門登堂捧霞卮壽母擇令言在昔
與賢子同里如弟舅追從四千里風雨偕晨昏信知壺德
尊方古得細論鹿車桓少君避世甘灌園耒耨依彭澤肅
客供鷄豚遂成士行名感激湛母恩作誄識柳下比鄰托
花源小人亦有母河渚一水間流離走趙禮到處經關山
凌冬羨松柏保此歲寒顏金閨策高足青瑣鳴珮還締繡
作萊衣起舞何斑斕冠蓋歛相過雅頌編春絃衆人榮福
澤寶此孝德全所期策令名濡迹匡時艱徘徊娛愛日金
石庶不刊

梅母輓詩

宣城梅氏四子子先世臣子翔兩吉述其母趙氏
壺德最賢會所居室火驚起欲出顧二婢子寢勿
覺趨呼之火焚不得出遂以殞諸名流多
爲詩輓之施比部尚白乞予言爲成一章

陵陽鬱青葱宛溪靜如練潭水流桃花孤峯敬亭見昔有
梅都官吟詩愛遊宴代異留古風才多秀羣彥簾帷月玲
瓏機杼母聖善風烟怨糜竺倉卒光景亂燔灼上朱樓煬
諱繞飛電孽衣已徬徨呼婢轉留戀豈待伯姬節徒殉介
山炤悲哉天運微持躬擇所便天屬綴人心艱難每孤散
青衣亦人子徘徊厯顧盼用慈甘殞身如何此蒙難懷古
弔餘風撫時發悲嘆

誦劉石生兼送其遊山左

我家元方好結客湖干掃徑迎三益君家康樂天下士結
交亦在長安陌柳花漉酒楓脂香谷雲冥冥弄泉石篋中
各有詩百篇牀頭斜睨劔三尺文章氣節天下聞恨不見
我信陵君風塵一起走異路荒山白骨西臺雲昔年西子
湖頭水與君慟哭秋草裏重逢燕市容貌衰把君悲歌朔
風起爾我何心走乞食面目黧黑皮肉死布衣賣文人不
識國子譚經衆所耻同學徃徃多高官范叔一寒乃如此
我家西浙子西秦思歸並欲老投綸尚羈彈鋏堂前客更
作依劉幕府人泱泱大國風送子遊東魯泰山濁河變今
古劍歌梁父山前烟酒酌田文墳上土人生去住隨所遭
扣角何嗟飯牛苦

稽留山人集目錄

第二卷

敬帚集

詩五十五首

春感六首 瘦馬行 燕市春歌十首 皇姑行

送吳方漣司李潯州二首 送葉蒼眉司李荊州三

首 憶昔行贈黃商侯僉憲 送芝麓先生以上林

簿使嶺南二首 送聖秋奉使章貢卽席成三首

茂三自中州歸四明省侍遙寄贈別 裘信甫見餉

西涼綠葡萄賦謝卽簡大文次張昆玉 吉雲姪三

十初度 顯亭典試山左期予同爲岱嶽遊八月二

十有三日出盧溝橋馬上口占 行次涿鹿 琉璃

河 古鄭州二首 曉發齊河至歷下 到歷下閱
顯亭所取士文爲賦二十四韻 同顯亭游歷下亭
讀杜工部古詩追和二首 大名湖泛舟 北極祠
二鬼歌 九日游趵突泉 白雲樓 經故德王宮
遺址作 重九後七日愚山學憲招同顯亭給諫宛
斯孝廉集署齋獨樹軒小飲有賦 金線泉 杜康
泉 愚山招同顯亭及李漑林樞部陸石齋兵憲遊
華不注山不赴柬謝 歷山 不果登岱遙咏十八
韻 自濟南歸至清淵却梅麓朱尙書之招以詩代
啟 復到燕山作

稽留山人集第二卷

丁酉

詩五十五首

武水陳祚明脗倩甫著

春感六首

寒食江南路風花下上飛薊門春色晚綠葉柳條稀冰下
窺魚陟天邊指鴈歸鳳城騎馬過堽撲漢官衣

其二

輦道春雲覆宮壕細草生稍看騰浴馬不見語流罵水態
河橋動風光苑樹萌狹邪從步履莫起故園情

其三

肯戀長安樂還山詎可忘相隨童漸長憶藝菊應荒玉澗

流仍碧宮垣樹欲蒼春歸不待客芳草徧江鄉

其四

把燭能高咏揮毫不可停三春吾豈負今夕莫教醒破冷
燈花紫銷愁竹葉青未嫌花事少彩筆射昏星

其五

獸看雲似布復見水生鱗病已疎詩卷春須昵酒人硯融
堪坐夜裘御怕凌晨近午仍高臥知余嬾是真

其六

經春羣木秀在旅一身孤因念空山骨頻驚變綠蕪不埋
知弟拙久客怨年徂取酒黃金用年來賦不無

瘦馬行

春風漸綠沙苑草塵埃日暗長安道蹄高尾秃行不前瘦
馬空留皮骨老雙驢曳車轂轉急狹邪路隘踟躕立嚼勒
無聲負日寒障泥改色臨流泣憶昨齊毛上林苑十二天
閑校獵返綠鬣搖曳踐青郊朱汗漣漸驟蘭阪是時天子
重神駿飛黃駮耳爭相趁七萃旌旗錦作營五侯騎從花
爲陣飽食常供太僕芻雕鞍金錯紅韁璫一出橫門志千
里電沒無影空中徂時移物換旣阜改西來宛馬誇龍駒
教舞誰知但蹴蹋芟駕已不勝馳驅平原蕭瑟白草長澗
西放牧依菰蔣神衰不覺眼低迷肉盡誰憐骨骭巖鬣疎

瘡破烏啄皮蘭筋拳曲形虺羸野燒乍疑燎火作秋雨獨
畏陰風吹君不見天駟無光伯樂化服阜乘輿材亦下肯
戀棧豆儕鴛駘自老荒坳愛瀟灑但留骨相在人間倘買
千金有知者

燕市春歌十首

長安古狹邪道隘不容車溝水青泥擁愁君白鼻驕

其二

盡廢平原飲春醕禁從官退朝齊却掃花柳曲江寒

其三

呵殿簇鞍行金鞭手自擎稍攜宮扇出指點識官名

其四

春色招提有棠花兩樹開漢臣逢禁酒車馬幾人來

其五

金魚池上水曲澗漑陂塘社鼓喧男女香花賽藥王

其六

土室栽羣卉春來亦放花小車山叟輓分餉五侯家

其七

低牕剪上闌青瑣翠蛾看邀月容相照來風不畏寒

其八

石炭罷然新融和喜莫春天吳疊錦被妝兒不生塵

其九

寒食郊壇路香車隊隊逢玉肌宮裏窄青髻縮盤龍

其十

垂楊露未晞小衛伎人歸推枕輕離別凌晨起著衣

一作垂楊

隱玉河小衛跨青蛾曲院平明入春風薄綺羅

皇姑行

隆準王孫數不億時移姓改耕田食楚王之後三戶身東
海爲漁使人識將妻織屨夜黃昏火鼓追呼吏到門龍顏
歃血委黃土被驅玉貌生啼痕雙頰慘桃花雙眉羞柳葉
昔日郡王妃今朝俘鹵妾司農署裏日紛紛沒入姬人干

百羣賜予功臣爲從婢給將荒塞配邊軍隱忍未隨孤劍
盡淒涼心折莫笳聞長秋手持黃紙檄才人 詔選填宮

掖漢宮聞說愛南襄館娃盡向南人索螺子之黛供畫眉

燕支生紅粉作白廣東輕衫恰稱身文錦吳羅尚衣借請

臨妝鏡更梳頭蟬髻低垂翠影浮不勞編髮蟠倭墮別有

珠璫綴紫鏤六人共選昭陽殿各自飄零泣嬌面就中截

髮故王姬含愁獨掩秋風扇殿前長跼見 君王未語酸

辛淚百行薄命已拚歌寡鴿多情不忍繡鴛鴦蒙頭更脫

羅巾看剪殘短髻秋雲亂一心寂滅向空王 詔許清齋

闕僊觀城西山色萬峰深皇姑菴子春山陰紅泉洗鉢朝

煙起清磬焚香夕月沉朝煙夕月年年似洗盡鉛華弄雲
水當日深宮縱不言細腰亦市君王喜

送吳方漣司李潯州二首

萬里蒼梧隔五溪潯州更在桂林西伏波巖上三更月愁
聽清猿不住啼

其二

嶺嶠春風洞壑幽鬱林城下水爭流官衙吏散無烽火荔
子低垂翡翠游

送葉蒼翁司李荊州三首

巴山月落漢江流絕壁荆門木葉秋北望長安紅日遠相

思一上仲宣樓

其二

障塞蠻煙白日迷漢陽西去楚天低扁舟更宿黃陵廟千
里青山罷鼓鼙

其三

送爾離亭柳色青霜崖雨雪向空舲三朝三莫黃牛峽急
水哀猿不忍聽

憶昔行贈黃商侯僉憲

憶昔知名皆大雅孝廉徃徃多作者三君八顧推老成意
氣相傾無一假構李之陳恂東粵黎遂八閩許琬文章齊

吳門子雲楊廷樞梁谿顧宸更饒才彥來江西少年康郎范生

老曾子文饒公也叔度行相攜先兄卓犖元龍氣傾蓋投分

同攀躋歲在癸未公車集廣陵城下停輪蹄相逢南人望

北關意氣一一凌虹霓短鞭各策少游馬高馱獨載劉琨

鷄商侯泰和人載數十鷄以行羽書塞路徃復返觀濤落日三山低是

時中原已破亂餉匱兵驕天子歎上策不收各復歸少閒

邦社俄崩散烽塵四合幾人留貴賤存歿輕雲浮黃公酒

壚委萼草山陽橫笛悲清秋縱有丹心懸日月誰憐白骨

埋山丘公今獨在勲名盛千騎握節居上頭建南武溪九

曲勝天台鴈宕羣峰幽稍移關西控隴右清霜一路臨秦

州親領璽書入邸舍風沙滿目生離愁我本麋鹿人行歌

脊今旬世已棄君平勇應慚季布狹邪一見情倍親韋衣

上座交如故座中話舊意凄其屈指前游能幾時古風落

落不可作世上悠悠那得知此去羗雲蔽隴坂隴頭流水

何灘漸黃羊蘆酒看邊月陳迹千秋有所思

送芝麓先生以上林簿使嶺南二首

亞相忠誠戀關心違時未敢便抽簪虎圈不憚遷卑冗

象郡何須苦毒淫疲馬空山孤戍遠啼猿古木驛庭陰河

南水旱歸仍奏宵似金門但陸沈

其二

惟有風流屬謝安 京華騎馬耐微官
論詩細辨宮商密 愛士兼容禮法寬
瘴癘千盤穿五嶺 烽塵匹馬喻諸蠻
相 思最是西園客 文酒蕭條曲水寒

送聖秋奉使章貢卽席成三首

鳳閣淹才子 乘輅又遠征
江狼窺使節 山鹿迂行旌
書報殊方赦 兵應此日平
濯纓章貢水 是處可題名

其二

潦倒燕游客 饜飧托故人
一行臨嶺嶠 孤月望河津
馬度蒸林瘴 槎迴水國春
祇同今夜酒 莫厭數沾唇

其三

計日滄江返 吳山及晚秋
十年知己夢 五夜故人舟
生妬湖堤席 多憎燕市裘
醉應虛末席 斜月到船頭

茂三自中州歸四明省侍遙寄贈別

中原驛路望將歸 此去親承萊子衣
燕市却望梅市遠 蛟門何必鹿門非
千金爲壽裘偏重 十畝閑行願已違
及到滄江看落月 鄉心先爾到漁磯

表信甫見餉西涼綠 葡萄賦謝卽簡大文次張昆玉
湯說葡萄入漢年 西涼上種未應遷
卽看白顙深生碧 便作丹砂不論錢
計日果隋經塞月 封書細數寄江天
登門莫話君家果 下食方爭濯露傳

吉雲姪三十初度

吾宗才子古人師三十逃名煉紫芝入市韓康聊賣藥游
僊郭璞每吟詩黃庭書罷籠鷺去丹竈烹還放鶴遲蘿薜
莫將軒冕易同歸正有竹林期

顥亭典試山左期予同爲岱嶽游八月二十有三日

出蘆溝橋馬上口占

走馬蘆溝萬里橋桑乾濁浪下雲霄重關樓櫓仍居重五
服梯航盡入朝漂泊自嗟儒術腐登臨尚想帝圖遙前期
一諾誰能負髀肉無端爲爾銷

行次涿鹿

秋原開涿鹿平野扼孤城河徙分橋瀉灘高夾浪鳴隔林
青嶂出映水白沙明日莫哀笳起如聞柁鼓聲

尚書夾右
碣石入於

河

琉璃河

聞說中涓寵金城郟塢高築堤雙關屬荷鍾萬人勞壤
道珉階陘危橋鐵柱牢水流無限恨日莫咽波濤

古鄭州二首

易水環雒縣荒城接鄭州里名題扁鵲客路狎輕鷗檉柳
緣堤暗蒲荷極浦秋紅橋騎馬過緬想五湖舟

其二

漲水平原沒荒津瀉急湍鷗行衝霧隱馬足亂流寒覓度
淹行李思歸把釣竿欲投墟里宿且得卸征鞍

曉發齊河至歷下

侵星發祝阿出郭俯齊河蜿蜒虹梁踞飛騰翠嶂多郡形
藏鼻衍山勢畜攢羅及到臨清濟泱泱涌白波

到歷下閱顛亭所取士文爲賦二十四韻

昔我觀齊樂泱泱大國風玄黃施作繪金壁吐成虹周易
田何授虞書伏勝通劫灰詢鼻倩奇木對終童宕往風華
歇凌遲典物空笙歌殞孔壁談辯廢齊宮挾册名虛售傳
經術未工丘墳供霧會杼柚肖雷同別有千金子常希五

色朦逢時筍是玉詭遇穴因銅關節從人乞輕肥本自雄
居然來陸贄妙賞續歐公籲帝刑牲誓同人許國忠黛毫
分案碧絳燭徹簾紅慘淡窺言表微茫索暗中起衰排月
露懷古返洪濛勃率能譚理清真可發蒙陳言除憂憂寶
氣吐熊熊玉價連城貴珠光照乘融旁搜收蹶馬弋獲下
冥鴻一榜皆名士由來摠固窮致身誠不意感泣定由東
此日恢湯網伊人似禹功何當聞正始獨表岱山東

同顛亭游歷下亭讀杜工部古詩追和二首

城闔啓芳甸綠水涵澄湖飛蕩矚樓觀廣陌延修塗繁陰
接榆柳曲港分菱蒲人語漁艇出波聲鴈鷺呼紅亭新結

構名跡存遺墟文采代已謝風流雲與徂命駕偶時寥
尊揖吾徒古詩讀碑版大雅悲榛蕪斯人不可作襄古空
嗟吁

其二

歇馬入林藪步欄攬通川鬱鬱此亭古陳迹垂千年雲端
青嶽聳木末丹樓懸水影蕩倒影林光亂炊煙撫今感末
俗弔古追前賢丘墟稷下館典則濠梁篇湖山似疇昔城
郭隨時遷述作有榮名富貴何足傳安得揚子廬閉門終
草元

大名湖泛舟

亭外湖邊似綠村輕舟出港浪花翻云亭諸嶺連東嶽華
峭雙峯峙北門鏡影稍移羅幔色縠紋徐破畫橈痕百壺
魯酒頻須送莫漫臨流憶故園

北極祠二鬼歌

大名湖北北極祠紅墻石磴高且危松栢鬱鬱雲霧黑下
臨湖水清漣漪祠中大帝冕旒肅側立二鬼何權奇筋骨
怒張毛髮豎臂如屈鐵蟠蛟螭迴眸攬身腰欲轉目光爛
爛巖下電足蹋怪物五指撐力蹴崑崙百骸戰是何妙塑
遠擅場吳生畫手師初唐五采剝落金碧盡神氣飛動何
洋洋年移物改汝獨在冥漠森然護真宰燕雀不敢汚肩

背蟲蟻何曾穿甲鎧鬼乎鬼乎如有靈天陰月黑風泠泠
香煙苾蒞男女拜歌舞刑牲血肉腥山河已易三四姓人
生那得一百齡日出平湖杳杳白雲起岱嶽濛濛青安得
無情學土木壽命迫人如轉燭君不見濟南城破白骨多
門外啾啾真鬼哭

九日游趵突泉

九日登高尋勝迹千秋歷下有名泉伏流地脈通王屋觸
石雷聲奮濟川舞雪風翻飄似絮飛花火迸湧爲蓮今朝
皂帽吹休落頭白臨流影倍憐

白雲樓

李滄溟故居有白雲樓張坦公
方伯爲重建於趵突泉之側

濟南當日謝人羣卜築林泉臥白雲故宅久荒王粲井殘
碑空弔左丘墳湧泉似雪思才子飛閣流丹祀使君華嶧
峯青人不見千秋誰與細論文

經故德王宮遺址作

德王當日藩封啟青社桐圭錫龍子建國移來成化中築
宮乃在齊城裏面山背負大名湖岱嶽雲煙對有無梗枿
作棟營深殿珉玉爲階甃廣塗此日齊城正全盛炊煙萬
戶青相映深遮禁苑綠楊濃流出宮牆碧川淨畫鼓鳴饒
湖上游春風錦纜木蘭舟宮女如花出燕趙詞臣起草有
枚鄒繁華只道長無改帶礪河山幾千載烽塵一起城郭

焚不道桑田變滄海紫塞弓刀闖入時橫行十萬射生兒
飛騎奔騰緣堞上孤城危困析骸炊內府金錢散軍伍君
王自叩靈鼉鼓力竭登陴氣不揚城隤下殿人無主龍顏
歎血濺蒿萊土花故劒沈莓苔一月宮中火不息萬民草
裏潛悲哀況復經今姓已易故宮白莽迷陳迹荒原蕭瑟
認妝樓錦石依稀留柱礎漢家百六哭神孫猶有靈光古
殿存孔壁圖書長已矣梁園池館不堪論千年興廢長如
此細柳新蒲長秋水君不見長安城中宮樹寒杜宇哀啼
暮山紫

重九後七日愚山學憲招同顯亭給諫宛斯孝廉集

署齋獨樹軒小飲有賦

獨樹影參天平臺簇几筵烹茶泉泛泛屏燭月娟娟賤子
飄蓬老諸公品藻賢一栢今夕酒名任後人傳

其二

吏隱官齋靜經營事事幽臺形藏屋角山翠露墻頭巖菊
留花晚宮槐墜葉秋酒寒憐旅客勞爲買羊裘

金線泉

濟南七十二泉水趵突一泉天下奇三潭沸地勢騰上卓
立數尺堆琉璃凌空躍起始迸散吐花濺沫何灑澌其餘
平沙溢萬竅珠斗錯落浮漣漪此皆泱流怒始發激觸岱

足爭石骨色飄霰雪灑虛空聲擊雷霆撼日月既滙平池
出地流肆乎就下歸溟渤金線泉源勢稍緩誰向泉邊築
亭館近依花竹聽潺湲遙睇巖巒得蕭散坐臨碧檻俯清
流白沙皎靚儵魚游沙中往往是泉眼百道沸出波紋浮
波紋細吐游絲直絡繹紛綸勢不亟日光澹澹涵清空照
耀却作黃金色名山乳竇初滴瀝亦觸堆埼聲瀉汨惡溪
百折礚崩崖瀑布千尋掛絕壁流無不下水性常跳波豈
自沙中央由來物理非一槩坐久身世還相忘漸看落照
霞氣紫況復高秋木葉黃逝者如斯吾已已有家不歸身
忙忙

杜康泉

駐馬杜康泉沙淨泉流碧輕逾惠水著茶經滴向糟牀是
蘭液杜康不作水空流蘆荻藤蘿夾斥秋人生不飲成何
益醒者多知萬古愁

愚山招同顥亭及李漑林樞部陸石齋兵憲游華不
注山不赴東謝

望嶽宜登不注峯嗟峨亂石削芙蓉春秋一戰披圖問枚
馬同游載筆從古木雲煙通鳥鵲靈湫風雨隱蛟龍遺碑
不共摩娑讀杜甫詩篇碧蘚封

歷山

虞帝留遺跡圖書紀歷山象耕當日事龍去幾時還石髮
秋長碧巖花雨故斑諸馮生莫誤元德杳難攀

不果登岱遙咏十八韻

秩祀崇東嶽青州表岱宗時巡開夏服禋望奠堯封瘞璧
蒼崖古燔柴紫殿恭天門紆曲磴日觀插層峯秦越干城
見星辰列闕重宸居窺虎豹海藏俯蛟龍碧樹巔崖老黃
花洞壑濃幽深攀薜荔峯嶸削芙蓉聖帝金泥禪僊人玉
軼從篋探天子策樹有大夫松溼氣蒼蒼接真靈徃徃逢
神芝雲徑產石乳竇泉鍾釜認張忠鑿鉏尋漢老蹤僊闔
雲靄靄香井水淙淙碑勒秦文字圖看太乙容黃河如在
吐北斗欲當胸緬想攜高屐無緣杖短筇生平禽尚志高
興未全慵

白濟南歸至清淵却梅麓朱尚書之招以詩代啟
不得從軍幕之都爲故人虛開稷下館仍踐洛陽塵肝鬲
通沈璧平成異負薪何須參末議自有禹功神

復到燕山作

朔氣滿燕山征人去復還向陽鴻鴈早隨意綠波閒



